

通城縣志卷之一

星野

自帝堯時景星出翼軫而荆野之分遂羣爭先覩以爲快星經江夏入翼地轄武昌然軫散爲荆指長沙言通昔曾隸長沙正與軫宿中長沙子相應此翼軫所由測也洪惟


皇上寅紹丕圖文明肇啟酉年五星聯珠於張翼軫起張爲鶉尾次天人協應下逮偏隅用並圖繪而備考其說焉


通城縣志

卷一 星野

一

翼宿舊起鶉尾三度終鶉尾二十一度今起鶉尾二十度
軫宿舊起鶉尾二度終壽星八度今起壽星十度
本朝歷法翼初度至十度止東甌五星向有今無茲本續文獻通考繪載





本朝器府歷三法十軫二初星向至有十一度無青邱子門七星今止存四星
 茲本天文志續繪文獻通考以上星明史

翼軫楚之分爲荊州 星經

通城縣志

卷一 星野

二

翼軫荆 州史記天官書

楚地翼軫之分野也今之江夏武陵長沙諸郡盡楚之分也 漢書地理志

軫星散爲荊州 春秋元命苞

按此獨言軫而不言翼蓋指荆南四郡武陵桂陽零陵長沙言

軫之十一度屬武昌 星歷

軫十度楚之尾也 辰次圖

鶉尾初張十八度終軫十一度 律歷志

自張十七度終軫十一度爲鶉尾於辰在巳楚之分野又曰江夏入翼十二度晉天文志

按江夏入翼十二度鶉尾之次時爲大荒落律爲夷則斗建在申通城爲江夏南屏且地接咸甯咸甯古楚子國楚爲鶉尾通城爲鶉尾之次可知也

以上分次

翼十九度晉天文志 今十六度五十九分

軫十八度晉天文志 今十三度五分以上星度

孟夏之月昏翼中孟秋之月日在翼仲冬之月日軫

通城縣志

卷一 星野

三

中月令昏旦度

謹按分星之說始於周禮散見於史傳諸書苟求其故宜可坐而致者其故若何分次一也星位二也星度三也二十八宿分列十二辰辰卽次也楚之次曰鶉尾鶉尾之次始於張中於翼終於軫翼軫楚之分星也翼居張後軫居翼後而其前後左右又各有所屬之星得其位而度可測矣故必分以經緯得其盈縮之概驗諸昏旦審其遲速之端盈縮遲速者度之所由推也我

朝推測精詳較古爲密以節證節以中證中歲差自無或爽後有作者尙鑒茲哉

氣候附

通城介居山藪平原廣闊之區亦居其半其地土所宜節候所占稽諸父老傳聞歷有應驗亦採風者所宜志也

元旦至初八日宜晴諺所謂一鷄二犬三豬四羊五牛六馬七人八穀是也

元宵宜晴

通城縣志

卷一 氣候

四

立春宜晴

驚蟄日宜鳴雷

春分宜雨

三月三日不宜風風則無果

清明宜晴

穀雨宜雨諺云穀雨日雨主多魚清明日雨麥多秕

立夏日宜雨

小滿日宜雨諺云晴則春蕎歉收

芒種日宜雨

夏至日宜雨

小暑不宜南風

六月初一日黎明占本年八月初一日黎明占來年霧多水赤雲主無雪

立秋日宜雨

處暑日宜雨

白露日宜晴主蕎豐

七月十六日宜雨主來年豐稔

十月初一日宜晴晴則多暖

通城縣志

卷一 氣候

五

春秋社日宜雨諺云社翁社母不食舊水故社日必雨謂之社公雨

四季不宜甲子雨丙寅晴甲申雨己卯風

春冬東風最宜夏秋東風主生蟲西風主滅蟲春南風主多雨

春霧晴夏霧水秋霧暘冬霧雨

四時有寒日俗云三月爲李花寒六月爲茄花寒八月爲木樨寒